

說文解字義證

說文解字第八

義證第二十六

曲阜桂馥學

尺

十寸也人手卻十分動脈爲寸口十寸爲尺尺所以

指尺規榘事也從尸從乙乙所識也周制寸尺咫尋

常仞諸度量皆以人之體爲法凡尺之屬皆從尺

切

漢書律歷志尺者隻也

晉書摯虞傳將作大匠陳總掘地

得古尺尙書奏今尺長於古尺宜以古爲正潘岳以爲習用

已久不宜復改虞駁曰昔聖人有以見天下之賾而擬其形

容象物制器以存時用故參天兩地以正算數之紀依律計

分以定長短之度其作之也有則故用之也有徵考步兩儀

則天地無所隱其情準正三辰則懸象無所容其謬施之金

石則音韻和諧措之規矩則器用合宜一本不差而萬物皆

正及其差也事皆反是今尺長於古尺幾於半寸樂府用之

說文解字義證

卷二十一

一

連筠移叢書

律呂不合史官用之歷象失占醫署用之孔穴乖錯此三者  
度量之所繇生得失之所取徵皆絳閔而不得通故宜改今  
而從古也王制古者以周尺八尺爲步今以周尺六尺四  
寸爲步注云周尺之數未詳間也按禮制周猶以十寸爲尺  
蓋六國時多變亂法度或言周尺八寸則步更爲八八六十  
四寸韓邦奇曰今尺惟車工之尺最準萬家不差豪釐少  
不同則不利載是孰使之然哉古今相沿自然之度也然今  
之尺則古之尺二寸也所謂尺二之軌天下皆同是也以木  
工尺去二寸則周尺也

十寸也者淮南道應訓終日行不離尺尺高云八寸爲尺  
十寸爲尺人手卻十分動脈爲寸口十寸爲尺者本書  
寸十分也人手卻一寸動脈謂之寸口徐鍇曰十分一寸  
也人所診脈處五藏脈所會也趙宦光曰醫家有全身尺  
說文所稱則全身尺也尺所以指尺規架事也者指尺  
當爲指席尺席聲相近取譬以爲況也集韻斥指名後漢  
書孔融傳擬斥乘輿注云斥指也乙所識也者乙卽上  
部之心鉤識也音居月切徐鍇曰漢書武帝讀東方朔上  
書輒乙其處是以乙爲記識也考工記輪人凡斬穀之道  
必矩其陰陽注云矩謂刻識之也周制寸尺咫尋常仞

諸度量皆以人之體為法者本書尺下云中婦人手長八寸謂之尺尋下云度人之兩臂為尋八尺也切下云伸臂一尋八尺夫下云人長八尺故曰丈夫案史記夏本紀聲為律身為度易曰近取諸身大戴禮主言篇布指知寸布手知尺舒肘知尋家語布指知尺舒肱知尋考工記車人之事半矩謂之宣注云矩法也所法者人也人長八尺而大節三頭也腹也脛也以三通率之則矩二尺六寸三分寸之二半矩尺三寸三分寸之一人頭之長也



中婦人手長八寸謂之尺周尺也從尺只聲

諸氏切

中婦人手長八寸謂之尺者中謂中人喪服記衣二尺有二寸注云其袖足以容中人之肱也又云祛尺二寸注云足以容中人之併兩手也士喪禮苴經大高注云隔搯也中人之手搯圍九寸曲禮注中人之迹尺二寸漢書律歷志取秬黍之中者此皆中字義也倍九年左傳天威不遠顏咫尺杜云八寸曰尺魯語其長尺有咫韋云八寸曰尺家語辨物篇其長尺有咫注云咫八寸也漢書五行志長尺有咫張晏曰八寸曰咫列子湯問篇其劍長尺有咫釋文八寸曰咫鄭志趙商問天子巡守禮制丈八尺純四咫何荅云咫八寸後漢書崔駰傳夫欲千里而咫尺未發注

通鑑卷一百一十五 楊氏

云八寸為尺文選長楊賦且旨者不規尺五臣云八寸  
 曰咫周尺也者本書夫下云周制以八寸為尺通典禮十五  
 引白虎通夏法日數十也日無不照尺所度無所不成故以  
 故以十寸為尺殷法十二月言一歲之中無所不成故以  
 十二寸為尺周據地而生地者陰也以婦人為法婦人大  
 率奄八寸故以八寸為尺通鑑外紀夏禹十寸為尺成湯  
 十二寸為尺武王八寸為尺陳祥道曰周法十寸八寸皆  
 為尺考工記十寸尺也  
 說文王制八寸尺也

文二

尸

微也從到毛在尸後古人或飾系尾西南夷亦然凡

尾之屬皆從尾

無斐切

非為正毛來為到毛觀公為到子則知到毛矣隸變從正毛  
 非六書義莊子天下篇丁子有尾釋文李云世人謂右行曲  
 波為尾今丁子二字雖左行曲波亦是尾也故謂右行曲波  
 亦指隸書言也 戴侗曰至之義鳥自上而下故顛倒之義

房取

微也者廣雖同史記五帝本紀鳥獸字微集解云尙書微作尾字說文云尾交接也馥案交接者謂鳥獸雌雄相交也釋名尾微也承脊之末稍微微也戰國策尾生高尾生晦以為魯人即論語之微生高古今人表有尾生高尾生晦顏注即微生高微生晦在尸後者易遯卦遯尾厲王云尾之為物最狂體後者也秦策王若能為此尾高云尾後也

尾

連也從尾蜀啓

之欲切

詩千旄素絲祝之箋云祝當作屬屬著也桑柔具贅卒荒傳云贅屬也正義云贅猶綴也謂繫綴而屬之孟子曰太王屬其耆老書傳云贅其耆老是贅為屬淮南覽冥訓地黃主屬骨新序義勇篇夫子絕知伯而去之三年矣今反外之是絕屬無別也吳書虞翻謂孫策明府試鞭馬翻能疏步屬之

連也者釋名云屬續也恩相連續也喪服記被屬幅注云屬猶連也淮南說林訓親莫親於骨肉節族之屬連也通


兌文詳字義錄

卷二十六

三

連筠籒叢書

作聯漢書張耳陳餘列傳築甬道屬河顏注屬聯及也  
西域傳其南山東出金城與漢南山屬焉顏注屬聯也



無尾也從尾出聲 九勿切

無尾也者本書越讀若無尾之屬卑倉尾短尾廣韻尾短  
尾鳥一切經音義十二淮南子屈奇之服許叔重曰屈短  
也奇長也馮案古詩我牛  
尾秃速秃速即屈之反語



人小便也從尾從水 奴弔切

人小便也者一切經音義十一矢溺正體作屨經文作溺  
假借曰廣韻屨小便也或作溺廣雅屨凌也玉篇凌小便  
也字林屨小便也通俗文出腠曰屨襄十五年左傳師慧  
過宋朝將私焉杜云私小便定三年傳夷射姑旋焉杜云  
旋小便韓非內儲說則跪因捐水即門雷下類溺者之狀  
莊子知北游篇在屎溺史記范雎傳賓客飲者醉便溺睡  
太倉公傳難於大小溲溺赤漢書高帝紀溺儒冠張安世  
傳郎有醉便殿上者韓安國傳安國曰秋衣獨不復然乎  
甲曰然即溺之顏注溺讀曰尿尿袴者為小袴以藉其尿襄  
故為不潔清顏注溺讀曰尿尿袴者為小袴以藉其尿襄

陽者舊傳木蘭橋者今豬闌橋也劉和季於此養豬太守  
曰作此豬屎臭當易名作豬闌橋耳嵇叔夜與山巨源書  
每常小便而忍不起令胞中畧轉乃起耳通鑑魏主就臧  
質求酒質封洩便與之又云魏繫崔浩置檻內衛士洩其  
上注云洩小便也又云慕容翰陽  
狂酣飲或臥自便利注云便洩也

### 文四

履

足所依也從尸從彳從又舟象履形一曰尸聲凡履

之屬皆從履

良止切

字書草曰屣麻曰屣皮曰履黃帝臣於則造世本於則作  
履注云於則黃帝臣古今注履者屣之不帶者也方  
絲作之者謂之屣急就篇履易鞣哀絺緌顏注單底謂  
之屣或以絲爲之複底而有木者謂之屣三禮圖屣下曰  
易單下曰屣夏葛冬皮賈子天子黑方履諸侯素方履大  
夫素圓履宋書五行志昔初作履者婦人負頭男子方頭  
員者順從之義所以別男女也晉令履曰士卒百工履色  
無過綠青白奴婢履色無過純青古儉賣者皆當著巾帖額



說文解字義證 卷二十六

四

連多義書  
靈石楊氏聚

題所僧賣者姓名一足箸黑履一足箸白履  
謹案今時所謂履者自漢以前皆名履左傳曰  
踊貴屨賤禮  
曰戶外有二履不言二履賈誼曰冠雖弊不以  
宜履言履者  
猶足所履踐耳詩云糾糾葛屨可以履霜易者  
履者足踐  
之通稱

足所依也者小爾雅廣服在足謂之履釋名履禮也飾足  
所以為禮也 從又者木書又象人兩脰有所躡也 舟  
象履形者有舟旋之義易  
履卦視履考祥其旋元吉

履 古文履從頁從足

履

履也從履省婁聲一曰鞮也

九遇切

履也者廣雅同玉篇履履屬麻作謂之履也釋名履拘也  
所以拘足也方言自關而西謂之履中有木者謂之複易  
鄭注周禮履人云複下曰易禪下曰履古人言履以通於  
複今人言履以通於禪俗易語反與輟耕錄按履無別制  
說文履履也從履省婁聲古今注以木置履下乾脂不畏  
泥淫故曰易以是知履易履之異名也但有禪下複下用

木之異耳

履

履下也從履省歷聲

郎擊切

履下也者本書訂下云補履下也徐鍇曰周禮注綴者以采絲縹履之下臣以為履牆下連底處采絲編刺之歷歷然作縹假借當作此履馥案史記東郭先生履有上無下足盡著地又案著類履鞮屬本書履下云一日鞮也疑此

履

履屬從履省予聲

徐呂切

履

履也從履省喬聲

居勾切

履有耳有鼻宋書劉敬宣傳空中有放一隻此履於坐中墜敬宜食盤上已經人著耳鼻間拉欲壞鹵簿令羊車小吏十四人並背耳履廣韻履草履也廣雅原履也釋名履蹻也出行著之蹻蹻輕便因以為名也急就篇履蹻素履蹻蹻也注履即今之鞋也史記平準書布衣履而牧羊韋昭曰履草履也又孟嘗君傳蹻蹻而見之字或作蹻說文解字義登

管子輕重戊篇綖綖而踵相隨又或作驕管子輕重甲篇  
北郭者盡履縷之暇也請以令禁百鍾之家不得事驕又  
通作驕韓非外儲說此其稱功猶羸勝而履驕何并注云猶  
羸勝之人履草屨也淮南記虞卿傳躡躡擔簦徐廣曰躡草履也說苑  
知地道者履躡風俗通義足常木躡漢書卜式傳布衣中躡  
而牧羊顏注躡即今之鞋也南方謂之躡王褒傳離疏釋躡  
而享膏梁應劭曰釋此木躡也臣瓚曰以繩為躡也顏注躡  
即今之鞋耳  
瓚說是也

履也者莊子天下篇以跂躡為服釋文李  
云麻曰屨木曰屨屨與跂同屨與躡同  
**屨也從履省支聲**  
奇逆切

古文苑僮約當作屨几木屨注云屨木屨也顏注急就篇  
屨者以木為之而施兩齒所以踐泥宋書謝靈運常著木  
屨上山則去前齒下山則去後齒釋名屨者不曰帛屨者屨不可  
以踐泥也又云帛屨以帛作之如屨者不曰帛屨者屨不可  
踐泥者也屨踐泥者也此亦可以步泥而浣之故謂之屨也  
風俗通延嘉中京師長者皆著木屨婦女始嫁作漆屨

五色采作系 汝南先賢傳戴良嫁女布裳木屐 世說阮  
遙集好屐或有詣阮見自吹火燭屐因歎曰未知一生當箸  
幾量屐 義熙起居注兼黃門郎徐應璩出為散騎著屐出  
省閣有司奏免它 晉中興徵祥說舊為屐者齒皆達名露  
卯泰元中忽不復微名陰卯亦服妖也 搜神記屐婦人圓  
頭男子方頭 通鑑鄒超稱謝元雖履屐閒未嘗不得其什  
注云履以皮為之屐以木為之 或通作  
艾鹽鐵論散不足篇古者庶人鹿菲草屐  
屐也者一切經音義十四說文屐屐也然則屐屐古時同  
類也漢書袁盎履行七十里是也三蒼屐木屐也孔叢曰  
孔穿曳長屐振方屐見平原君此似木屐也異苑云介子  
推抱樹燒外晉文公伐以制屐也律文有革屐莊子有竹  
跂

文六 重一

舟

船也古者共鼓貨狄剡木為舟剡木為楫以濟不通

象形凡舟之屬皆從舟

職流切

自帖古者觀落葉以爲舟詩汎彼柏舟傳云柏木所以宜  
爲舟也蔽案吳記孫皓問中書令張尙曰詩言汎彼柏舟惟  
柏中舟乎尙曰詩云檣櫓松舟松亦中也墨子辭過篇古  
之民未知爲舟車時重任不移遠道不至故聖王作爲舟車  
以便民之事其爲舟車也全固輕利可以任重  
致遠其爲用材少而爲利多是以民樂而利之  
船也者廣雅同方言舟自關而西謂之船詩谷風方之舟  
之傳云舟船也古者共鼓貨狄刻木爲舟刻木爲相以  
濟不通者北堂書鈔引世木共鼓化狄作舟注云二人黃  
帝臣也易繫辭刻木爲舟刻木爲楫舟楫之利以濟不通  
墨子節用篇古者聖王爲大川廣谷之不可濟於是利爲  
舟楫複案始作舟者諸說各異海內經番禺是始爲舟墨  
子非儒篇巧垂作舟呂氏春秋勿躬篇虞姁  
作舟物理論以爲化狐發蒙記以爲伯益

舟

空中木爲舟也從△從舟從水也

羊朱切

空中木爲舟也者本書窰空中也淮南汜論訓乃爲窰木  
方版以爲舟航高云窰空也漢書音義孟原曰東南人謂  
鑿木空中如槽謂之窰水  
也者五經文字《音工外反》

船

舟也從舟鉛省聲

食川切

舟也者周處風土記小曰舟大曰船釋名船循也循水而行又曰舟言周流也通俗文吳船曰扁晉船曰船長二十丈載六七百人者是也

彤

船行也從舟彡聲

丑林切

船行也者集韻吳楚謂船行曰彤

舳

舳也從舟由聲漢律名船方長為舳舻一曰舟尾直切

舳也者唐書楊元琰傳與張柬之共乘舳江中一曰舟尾者徐鍇本作一曰尾鍇曰尾船尾方言後曰舳舻制水也注云今江東呼往為舳漢書武帝紀舳舻千里李斐曰舳船後持旆處也舳船前頭刺櫂處也鹽鐵論執轡非其人則馬奔馳執舳非其人則船覆傷或作舳周憬助銘陸老唱兮舳人歌捷變作陸小爾雅廣器船頭謂之舳尾

謂之艦吳都賦宏舸連舳巨艦拔舳五臣云舳船前也艦船後也此皆與本書異

舳

舳艦也一日船頭從舟虛聲

洛乎切

舳艦也者宋武帝詩舳艦引江飛一日船頭者李善注

謝瞻詩江淹詩引竝同方言首謂之閭閭注云今江東呼

船頭屋謂之飛閭是也復謂艦閭聲相近廣韻艦舟後玉篇艦在船後此與小爾雅同

韻艦舟後玉篇艦在船後此與小爾雅同

舳

船行不安也從舟則省讀若兀

五忽切

船行不安也者玉篇船在水不安謂之舳則省者當為

別省聲廣雅別危也讀若兀者方言僞謂之扒扒不安

也郭注船動搖之兒馥案玉篇僞謂之伋伋不安也考工

記輪人則是以大扒注云扒動搖兒張協七命搖舳峻挺

李善注搖

別危兒

舳

船箸不行也從舟矦聲讀若莘

子紅切

船箸不行也者廣韻引箸下有沙字集韻增韻竝同廣韻

溢下云船箸沙也漢書司馬相如傳踏以腰路兮張指曰

踏下也。𦨇，箸也。皆下箸道也。讀若宰者，方言：𦨇至也。釋詁：𦨇至也。孫炎云：𦨇，古屈字。本書：屈行不便也。顏注：漢書

𦨇

我也闕

直禁切

我也者，釋詁文。郭注：古者貴賤皆自稱朕。馥案：離騷：朕皇考曰伯庸。

𦨇

船師也。明堂月令：曰：𦨇人習水者，從舟方聲。

甫晏切

明堂月令：曰：𦨇人者，通作𦨇。子虛賦：𦨇人歌張指曰：𦨇船也。月令：命𦨇人。𦨇人，船長也。淮南時訓：令𦨇人入材葦。習水者，許公解釋：𦨇人，之文。廣韻：𦨇，𦨇人習水者也。

𦨇

𦨇也。象舟之旋，從舟從𦨇。𦨇，所以旋也。

北潘切

𦨇也者，禮投壺主人般還曰：𦨇李。巡注：爾雅：婆娑，婆娑，盤𦨇舞也。論語：足𦨇如也。包氏曰：盤，𦨇兒也。漢書：儒林傳注：蘇林曰：不知經，但能盤𦨇為禮容。象舟之旋者，本書恆上下一心以舟施馥謂施當為旋字之誤也。本書旋周旋旌旗

兌之

卷之二十一

也



之指麾也風俗通舟人相擢猶尚畏怖不敢迎上與之周旋六書故舟在水土旋莫易焉故取類於舟釋言般還也釋文云還音旋易明夷夷于左股馬融王肅作般云旋也也日隨天左旋也大射儀且左還毋周注云左還反其位毋周右還而反東面也文十八年左傳奉以周旋定十五年傳將左右周旋玉藻周還中現釋文還木亦作旋漢書賈誼傳般紛紛其離此鄉兮顏注般反也趙充國傳明主般師罷兵鄧展曰般還也地理志平原郡般縣如淳曰般音如回般之般顏云爾雅說九河云鉤般郭璞以爲水曲如鉤流般桓也抱朴子廣譬篇般旋之儀見僧於裸跣之鄉通作盤廣雅盤桓不進也後漢書張楷傳前此微命盤桓未至易屯卦盤桓利居貞馬注盤桓旋也漢仲秋下旬碑作般桓辭綜注西京賦盤桓便旋也通鑑爾朱榮每見天子射中叫將相鄉士悉皆盤旋或作辟費誦書容經篇旋以微磬之容其始動也穆如鸞旋或其固復也旌如翟絲群旋之容也通作班易屯卦乘馬班如正義引馬融云班旋不進也釋文云鄭本作般周書乃班孔晁云還鎬京也襄十年左傳水潦將降懼不能歸請班師杜云班還也哀二十四年傳役將班矣晉師乃還又或作洧管子小問篇意者君乘馭馬而洧桓注云洧古盤字

服

古文般從支

服

用也一曰車右騎所以舟旋從舟反聲

房六切

用也者易繫辭服牛乘馬正義云服用其牛書說命曰哉說乃言惟服傳云美其所言皆可服行一曰車右騎所以舟旋者騎當為駢小字本徐鍇本集韻六書故並作駢詩鄭風兩服上襄箋云兩服中央夾轅者正義云馬在內兩服者馬之上駕也倍十五年左傳台與秦戰乘小駟慶鄭曰進退不可周旋不能君必悔之晉戎馬還淨而止注云還使旋也小駟不調故墮泥中倍二十三年傳其左執鞭弭右屬櫜韃以與君周旋陳啟源曰服雖從舟勿然製字之義會意在車其以車得名者亦有二四馬外為驂內二為服一也詩兩服上襄兩服齊首是也兩較謂之牝服二也詩不以服箱是也箱以容物在兩較之內故服箱相屬成文矣

服

古文服從人

從人者六書故以為從人案卜古文作𠂔誤為𠂔蓋卜聲也

文十二

重二

舳小船

詩河廣曾不容刀正義及釋文並云說文作舳小船音刀詩  
韓琬容刀釋文云說文作舳一切經音義九引郭注方言舳  
舳也廣雅舳舟也釋名三百斛曰舳舳狹也  
招短也江南所名短而廣安不傾危者也

遺文一

方

併船也象兩舟省總頭形凡方之屬皆從方

府臣切

鄉射記左足履物不方足注云方猶併也  
車不得方軌正義云言不得兩車並行  
後漢書蔡邕傳速  
速方載注云蓋謂小人乘龍方轂而行  
魯靈光殿賦方二軌而並大

併船也者高注淮南汜論訓云方並也齊語方舟設泝  
云方併也說苑江水出於岷山其始也大足以濫觴及至  
江之津不方舟不可渡也漢書鄼食其傳蜀漢之粟方船  
而下顏注方併也後漢書班固傳方舟並發注云方舟並

兩舟也馬融傳然後方餘皇連艤舟注云方猶並也吳志呂蒙傳獲馬三百匹方船載還宋書武帝紀方艦而下臧質傳賊更方舫為桁吳都賦方舟結駟五臣注方舟並舟也景福殿賦水方輕舟五臣注方並也元和志後魏刁雍上表論漕運欲造船二百艘二船為一舫方舟順流五日而至或作舫一切經音義二通俗文連舟曰舫併兩舟也釋言舫舟也注云並兩船史記張儀傳舫船載卒索隱云謂並兩船也上隱晉書顧榮紀瞻被微行至彭城見王路塞絕遂解舫為單舸而歸通作放荀子子道篇不放舟不避風則不可涉也注云放讀為方

𦨇

方或從水

汗簡作𦨇以為古文云見說文

𦨇

方舟也從方亢聲禮天子造舟諸侯維舟大夫方舟

士特舟

胡郎切

或作𦨇顏氏家訓書證篇何法盛中興書乃以舟在二閒為舟航字謬也董彥遠謝朓正字啟誤存舟二閒之為航又

說文解字義證

卷二十六

十

連筠簞叢書

長沙易氏

通作杭詩河廣一葦杭之傳云杭渡  
 也郡國志餘杭舍杭登陸因以爲名  
 方舟也者後漢書李南傳向度宛陵浦里航注云航以舟  
 濟水也杜篤傳造舟於渭北航涇流注云爾雅曰天子造  
 舟造竝也以舟相竝而濟也航舟度也說文航字在方部  
 今流俗不解遂與杭字相亂者誤也又或作航方言舟白  
 關而東或謂之舟或謂之航管子小匡篇遂至於西河方  
 舟設附楚詞七諫將方舟而下流今注云大夫方舟後漢  
 書張衡傳譬臨河而無航注云航船也禮天子造舟諸  
 侯維舟大夫方舟士特舟者禮無此文釋水天子造舟諸  
 侯維舟大夫方舟士特舟庶人乘舟郭云比船爲橋孫云  
 比舟爲梁李云比其舟而渡曰造釋文云郭圖云天子併  
 七船諸侯四大夫二士一詩大明造舟爲梁傳云天子造  
 舟諸侯維舟大夫方舟士特舟箋云天子造舟周制也殷  
 時未有等制昭元年左傳造舟於河杜  
 云造舟爲梁正義云比舟以爲橋也

文二 重一

仁人也

古文奇字人也象形孔子曰在天下故詰屈

凡儿之屬皆從儿

如鄰切

仁人也者當云仁也人字衍古文仁字二在尸下此儿亦在下故曰仁也廣雅人仁也釋名人仁也仁生物也故易曰立人之道曰仁與義周語言仁必及人韋云博愛於人為仁莊子愛人利物謂之仁賈誼書心兼愛人謂之仁說苑人而不愛則不能仁白虎通仁者不忍也施生愛人也古文奇字人也者本書序奇字即古文而異者也 在下人下故詰屈者玉篇作人在下五音集韻同凡從儿之字皆以儿為下體故曰人在下

兀

高而上平也從一在入上讀若矍茂陵有兀桑里

五忽切

切

高而上平也者本書長從此云兀者高遠意也 讀若矍者廣雅矍遠也漢書司馬相如傳矍矍遠去典引上哉矍乎

孺

孺子也從儿象小兒頭向未合

汝移切

三才圖會卷之二十一  
靈石楊氏栞  
孺子也者徐鉉本作孩子也本書孺乳子也孩小兒笑也  
廣韻兒嬰兒一切經音義二三蒼女曰嬰男曰兒象小  
兒頭凶未合者本書凶頭會端蓋也山則男角女羈注云  
夾凶曰角正義云凶是首腦之上縫故說文云兒其字象  
小兒腦不合也魏校曰凶頂門也子在母胎諸竅尚閉惟  
臍內氣凶為之通氣骨獨未合既生則竅開日鼻內氣尾  
閭為之洩氣凶乃漸  
合陰陽升降之道也



信也從儿言聲

余準切

信也者釋詁文書堯典允恭克讓傳云允信也又允釐百  
工史記作信飭百官皋陶謨庶尹允諧鄭注允信也堯典  
惟明克允馬注當明其罪能使信服之說命允懷于茲傳  
云信懷此學志詩定之方中終焉允臧傳云允信車攻允  
矣君子箋云允信禮緇衣允也君子注云允信也小毖肇  
允彼桃蟲常武王猶允塞時邁允王維后箋云允信也  
文四年左傳君子是以知出姜之不允於魯也文十八年  
傳明允篤誠襄五年傳成允成功杜注竝云允信也晉語  
辱君之允令韋云允信也馥案堯從允亦為信春秋元命  
包五星流為兗州兗信也李巡注爾雅沅州厥惟信謹故

曰沈沈  
信也

兌

說也從儿台聲

大外切

說也者兌說聲相近易說卦兌說也兌正秋也萬物之所說也王弼曰萬物成所以說也尙書說命禮記作兌命呂氏春秋勸學篇凡說者兌之也

充

長也高也從儿育省聲

呂終切

長也者長讀知亮切玉篇充滿也韓愈詩得時方長王弼子內業篇凡食之道大充腸而形不藏注云大充謂過飽也周禮序官充人注云充猶肥也高也者徐鍇曰去在儿上也

文六

亮

明也從儿從高省

大書故  
引唐本



遺文一

兄

長也從儿從口凡兄之屬皆從兄

許榮切

長也者玉篇兄昆也引爾雅男子先生為兄廣雅兄大也釋名兄荒也荒大也故青徐人謂兄為荒也論語長幼之節書伊訓立敬惟長曲禮十年以長則兄事之詩克長克君箋云教誨不倦曰長是也從儿從口者集韻從人口以制下白虎通兄者況也況父法也

競

競也從二兄二兄競意從丰聲讀若矜一曰競敬也

居陵切

切

汗簡競見尚書說文通為小篆

競也者襄十年左傳師競已甚杜云競爭競也襄二十六年傳臣不心競而力爭昭十三年傳國不競亦陵注云不競爭則為人所侵陵從二兄競意者二兄爭長也從丰聲者丰非聲有誤讀若矜者大禹謨汝惟不矜天下

莫與汝爭能僖九年公羊傳矜之者何僖曰莫若我也  
一曰兢敬也者通作兢本書肅持事振敬也職職兢兢也  
釋訓兢兢戒也書皋陶謨兢兢業業詩雲漢兢兢業業傳  
云兢兢恐也漢書外戚傳唯婚姻為兢兢又通作矜書孟  
詩矜矜先王孟子使諸  
大夫國人皆有所矜式

## 文二

夫

首筓也從儿匕象先形凡先之屬皆從先

側琴

本書天下云從大以象簪也夢書簪者己之尊也燕  
書張華晚所著幘簪以遺高祖通俗文幘導曰簪釋名  
導所以導髮髮使入巾幘之裏也御覽引諸葛恢集諸  
葛恢曰今送一導髮小物曰史記平原君誇楚為玳瑁簪  
韓詩外傳有婦人哭甚哀孔子使問之婦人曰鄉者刈著  
藩而亡吾著簪者是以致哀也非傷亡簪也蓋不忌故也班  
固與弟超書今遣仲升玳瑁黑犀簪  
江表傳魏文帝遣使於吳求通犀簪  
首筓也者本書筓也廣雅筓也若頤篇簪也所以  
持髮也釋名簪也也以髮連冠於髮也又枝也因形名之  
說文釋名義登卷二十六

言方角人言言言

靈后楊氏某

也隋書禮儀志引釋名簪建也所以建冠於髮也一日簪  
簪係也所以拘冠使不墜也急就篇冠幘簪黃結髮紐顏  
注簪一名簪上冠禮皮弁簪注云弁者个之簪文選謝惠  
連搖衣詩簪玉出北房李善云魏寧訪議日以玉為簪也  
古曰簪  
今日簪

𦍋

俗先從竹從𦍋

𦍋

𦍋𦍋銳意也從二𦍋

子林切

𦍋𦍋銳意也者玉篇作𦍋  
賦本書𦍋可以綴著物者

文二 重一

𦍋

頌儀也從儿白象人面形儿兒之屬皆從兒

莫教切

楚詞九章情與貌其不變注云顏色為貌秦策不韋使楚  
服而見王后悅其狀高云狀兒說苑修文篇書曰五事一  
日貌貌者男子之所以恭敬婦人之所以姢好也行步中矩  
折旋中規立則簪折拱則抱鼓其以人君朝尊以嚴其以人

宗廟敬以忠其以入鄉曲和以順其以入州里鄉黨之中和  
以親漢書王莽傳兒很自臧顏注兒古貌字也又古今人  
表昆辯即齊貌辯  
本作兒譌為昆

頌儀也者本書頌兒也儀當為義本書義己之威義也經  
典通用儀詩陽鳩其儀不忒伯舟威儀棣棣周禮司儀以  
詔儀容辭令  
捐讓之節

𧢲

兒或從頁豹省聲

本書懇從  
此云美也

𧢲

籀文兒從豹省

從豹省者徐鍇本作從牙錯  
曰牙獸牙牙然兒之嚴毅

𧢲

冕也周曰寬殷曰𧢲夏曰收從兒象形

皮變切

玉篇寬攀也所以攀持髮也以鹿皮為之釋名弁如兩手  
相合并時也以國羣為之謂之爵弁以鹿皮為之謂之皮弁

小爾雅廣服弁髦太古布冠冠而蔽之者也  
公作弁宋均曰制素弁也書金縢王與大夫盡弁傳云皮  
弁詩甫田突而弁兮傳云弁冠也類弁傳云弁皮弁也絲  
衣載弁保保箋云弁固弁也上冠禮三王共皮弁周禮  
司服視朝卽皮弁服夏官敘官弁師注云弁者古冠之大稱  
委貌緇布曰冠弁師職王之皮弁會五采玉璆象邸玉弁王  
之弁經弁而加環經諸侯及孤卿大夫之冕韋弁皮弁弁經  
各以其等爲之而掌其禁令馥案魏臺訪議五采玉一王有  
五色者也邸以象骨周緣弁下根抵如魏武帝所作弁抵几  
有弁無纓倍二十八年前傳楚子玉自爲瓊弁玉纓杜云  
弁以鹿子皮爲之昭元年傳弁冕端委釋文木亦作弁端委  
無冕字馥案杜注弁冕冠也以冕冠訓弁則冕字衍文明矣  
孟子以皮冠注云皮冠弁也董巴輿服志爵弁一名冕  
廣八寸長尺二寸如爵形前小後大繪其上似爵頭色有收  
持弁所謂夏收殷辱者也祠天地五郊明堂雲翹舞樂人服  
之皮弁與委貌同制長七寸高四寸制如覆杯前高廣後卑  
銳所謂夏之母追殷之章甫者也行大射禮辟雍公卿諸侯  
大夫行禮者冠委貌執事者冠皮弁五經通義皮弁冠前  
後玉飾梁正三禮圖弁縫十二三禮圖爵弁士助君祭  
之服服以祭其廟無旒韋弁王及諸侯其服也三禮冠弁

圖皮弁以鹿皮淺毛黃白色者爲之高尺二寸春三月習大射冠之行事李孟愁儀禮章疏委貌與弁皆天子始冠之冠齊永明中高麗使臣冠折風中書郎王融戲之曰頭上定是何物荅曰此則古弁之遺象也隋書李子雄傳新羅遣使朝貢子雄問其冠制所由使者曰皮弁遺像安有大國君子而不識皮弁也通典上古玄毛帽皮後代聖人見鳥獸冠角乃作冠纓黃帝造旒冕始用布帛唐虞以上冠布無纓夏后以牟追以收收所以收斂髮殷制章甫或以冏冏覆也自覆飾形制茲無文至周六冕章數始備故孔子曰服周之冕言中禮也

冕也者本書冕大夫以上冠也璫弁飾論語見冕者釋文鄭本作弁周曰克殷曰冏夏曰收者廣雅收冏冠也釋名收夏后氏冠名也言收斂髮也詩文王常服黼冏傳云冏殷冠也夏后氏曰收周曰冕釋文冏字林作冏士冠禮記周弁殷冏冏夏收注云弁名出於繫繫大也言所以自光大也冏名出於嚙嚙覆也言所以自覆飾也收言所以收斂髮也郊特牲委貌周道也章甫殷道也冏追夏后氏之道也周弁殷冏冏夏收檀弓周人弁而祭殷人冏而祭周人冕而祭內則夏后氏收而祭燕衣而養老殷人冏而祭縞衣而養老周人冕而祭

元衣而卷老宣元年公羊傳已練可以弁冕注云弁禮所謂皮弁爵弁也皮弁武冠爵弁文冠夏曰收殷曰司周曰弁加旒曰冕獨斷冕冠周曰爵弁殷曰冏夏曰收皆以三升漆布為袷廣八寸長尺二寸加爵弁其上周黑而赤如爵頭之色天子十二旒三公九諸侯卿七其纓與組各如其綬之色



旒文冕從升上象形



或冕字

隸變作

文二 重四



𡗗蔽也從儿象左右皆蔽形凡𡗗之屬皆從𡗗讀若

𡗗

公戶切

本書𡗗𡗗  
𡗗當作𡗗

靡蔽也者杜篤論都賦靡偃西戎通作離詩無將大車維  
靡離今箋云離猶蔽也晉書地理志雒州以其四山之地  
故以離名焉亦謂西北之位陽所不及陰陽氣離閤也又  
作璽楚辭不忍見君之蔽璽韓詩外傳所友者十有二人  
足以祛璽蔽矣說苑是故古者君始聽治大夫而一言士  
而一見庶人有謁必達公族請問必語四方至者勿距可  
謂不璽蔽矣陸機演連珠是以明哲之君時有璽蔽之累  
通鑑魏靈太后務為璽蔽不使帝知外事又通作離內則  
女子出門必璽蔽其面注云璽猶障也潛夫論此奸雄所  
以迷黨進而處子所以愈離蔽也讀若瞽者史記趙高  
瞽或二世又通作璽釋詁璽疑也杜注昭元  
年左傳云璽惑疾正義云心志惑亂之疾



兜鎧首鎧也從兜從兒省兒象人頭也

當侯切

集韻兜鎧上毛飾孝經援神契欲去惡鬼須具五掛五  
人持大斧箸鐵兜鎧驅之淮南記論訓古者有鎧而繕領  
以王天下者矣高云鎧頭著兜鎧帽東觀漢記馬武與耿  
將上龍擊隗囂身被兜鎧鎧甲又云祭遵薨遣校尉發騎士  
四百人破元甲兜鎧送葬吳志太史慈與孫策鬪得策兜  
鎧獻帝春秋孫策獲太史慈謂曰孤昔與卿神亭之役若  
兇之澤不隻金



爲卿先如何慈曰不敢面欺若兜鍪帶不斷未可量也吳  
歷諸葛恪使丁奉等皆解鎧但著兜鍪北軍見裸身皆大笑  
晉令軍列營步騎士以下皆著兜鍪陶侃答溫嶠書奉  
所送帳下得蘇峻兜鍪制作之巧用功殊多戰器不須似此  
宋書柳元景傳乃脫兜鍪解所帶鎧惟著絳納兩當王  
玟宋書陳伯紹討劉思道紹髻解兜鍪墜地見禽南齊書  
周盤龍傳世祖戲之曰卿箸貂蟬何如兜鍪吳越春秋令  
三百人披甲兜鍪而立廣志犬戎皆以朱漆皮作兜鍪  
御覽引庾翼書今致兜鍪白毳百副通鑑齊永明中交州  
刺史李叔獻求獻十二隊純銀兜鍪又云楊立感取帆布爲  
牟甲注云牟兜牟也又云秦主登將士皆列鋒鎧爲舛休字  
注云鋒頭鋒寢宇記突厥有金山狀如兜鍪俗呼兜鍪爲  
突厥因以爲號或作鞞鎧鎧長楊賦鞞鎧生蟻強廣  
韻漢書鞞鞞卽兜鍪韓策甲盾鞞鎧鮑注鎧兜鍪  
兜鍪首鎧也者本書胄兜鍪也初學記引本書曰首鎧謂  
之兜鍪集韻鎧首箸兜鋒也莊子鎧頭曹植表兩當鎧二  
十領兜鍪自副長楊賦鞞鎧生蟻說李善引  
本書鞞鎧首鎧也馥謂因賦而順稱鞞鎧

文二

先

前進也從儿從止凡先之屬皆從先

蘇前切

前進也者論語先進於禮樂漢書百官公卿表太子太保少傅屬官有先馬如淳曰前驅也國語曰句踐親為夫差先馬先或作洗也續漢書百官志太子洗馬比六百石本注曰舊注云太子出則當直者在前導威儀從止者本

書止出也  
出進也

進

進也從二𠂔贊從此闕

所錄切

進也者通作贊書大禹謨益贊於禹曰稷謂進言於禹家語游夏不能贊一辭亦謂不能進一辭皋陶謨贊贊襄哉正義王肅云贊贊猶贊奏也案奏亦進意趙策秦攻趙鼓鐸之音聞於北堂希卑曰夫秦之攻趙不宜急如此此召兵也必有大臣欲衡者耳王欲知其人以日贊羣臣而訪之先言橫者則其人也馥謂贊羣臣言進羣臣也漢書東方朔傳朔白贊曰孔光傳已刻侯印書贊顏注竝云贊進也

文二

卷二十一 靈石楊氏

禾

無髮也從儿上象禾粟之形取其聲凡秃之屬皆從

秃王育說蒼頡出見秃人伏禾中因以制字未知其

審他谷

玉篇秃籀文秃字 洪武正韻引文字音義秃籀文作禿

一切經音義十八卷頌篇痲秃也韻集痲瘡病也存發謂之

熱痲秋發謂痲痲張揖雜字作痲 咸元年殺梁傅季孫行

父秃 禮記秃者不冕馥案秦書苻堅徵張巨和至長安賜

以冠巨和以秃辭 御覽三百七十四引孫卿子曰傅說之

狀秃無鬚眉 呂氏春秋盡數篇輕水之所多秃與癯人

易林癯癯秃疥為身瘡害 漢書灌夫傳與長孺共一秃翁

張晏曰嬰年老又嗜酒頭秃 劉氏新論隨時篇玉符所以

飾首而秃嫗以之挂杙 顏氏家訓或問俗名傀儡子為郭


秃有故實乎荅曰風俗通云諸郭皆諱秃當是前代人有姓

郭而病秃者滑稽戲調故 後人為其象呼為郭秃

無髮也者本書領秃也 鬚鬚秃也釋名秃無髮沐秃也呂


氏春秋明理篇盲秃偃庭注云秃無髮定命錄賈直言妻

十五載一沐其髮墮終為禿婦 上象禾粟之形取其聲者謂取粟聲也禿粟聲近 王育說云云者廣韻引文字音義文同案王育漢章帝時人 作大篆解說見唐元度十體書

禿兒從禿貴聲 杜回切

詩卷目我馬虺隤傳云虺隤病也釋文隤說文在類聚案顧傳寫誤也釋詁虺隤病也

### 文二

視也從儿從目凡見之屬皆從見 古甸切

韓詩外傳人生三月微的而後見

視也者廣雅同華嚴經音義上引蒼頡篇示兒也案視示通詩視民不佻箋云視古示字

瞻也從見示 神至切

釋名視是也察是非也 書太甲視遠惟明洪範五事二曰視

瞻也者木書瞻歸視也  
從見示者徐錯本作示聲

𠄎

古文視

𠄎

亦古文視

漢故母廟石闕  
銘昭朕後昆

𠄎

求也從見麗聲讀若沱

郎計切

求也者當云求視也集韻觀求視也玉篇觀索視之兒失  
都賦觀海陵之倉李善引蒼頡篇觀索視之兒通作麗釋  
名麗離也言一目視天一目  
視地目明分離所視不同也

𠄎

好視也從見委聲

於寫切

𠄎

旁視也從見兒聲

五計切

旁視也者木書睨哀視也徐錯本作內  
視錯曰內視自視也錯韻譜亦作內視

𥇑

好視也從見箇聲

洛戈切

玉篇觀縷委曲也

吳都賦嗟難得而觀縷

唐書柳

宗元傳秉筆觀縷不能成章

類篇觀俗從爾非是

好視也者榮觀觀視貌

箇聲者箇非聲觀聲如羅者

書傳咸疏臣所以不羅縷者莫因結奏得從私願也

𥇑

笑視也從見基聲

力玉切

笑視也者廣韻觀眼曲貌也通作

睞宋玉招魂蛾眉曼睞目騰光些

𥇑

大視也從見爰聲

況晚切

大視也者本書

夏下音義並同

𥇑

察視也從見天聲讀若鎌

力鹽切

美從羊說

見天下

察視也者玉篇觀今作廉戴何曰廉問廉察之廉別作現

徐錯曰漢書多言廉得某情廉察視也當作此現漢高帝

見之澤不復登

卷二十一

七

連筠移叢書

詔且廉問有不如吾詔者以重論之續漢書張不入中牟  
河南尹袁安遣掾往察廉之制蕭賦廉察其賦歌李善云  
廉亦察也通典官制有廉訪使漢乙瑛碑乙君察舉守宅  
除吏孔子十九世孫麟廉請置百石卒史一人隸釋以麟  
廉為人  
名非是

𠄎

外博衆多視也從見員聲讀若運

上問切

𠄎

諦視也從見翟聲

古玩切

諦視也者廣雅觀視也釋名觀翰也望之延頸翰翰也餽  
謂翰當爲翰本書翰歸也歸望也成六年左傳視流而行  
速杜云視流不端諦本書諦諦祭也論  
語禘自既灌而往者吾不欲觀之矣

𠄎

古文觀從囧

畢君以珣目當從古文目作囧  
案趙宦光曰古目作囧譌同囧

見

取也從見從寸寸度之亦手也

多則切

木書得古

文作尋

取也者一切經音義一說文尋取也尚書高宗夢尋說是也案衛宏詔定古文官書尋得二字同體馥案曲禮臨財毋苟得當作尋亦手也者韻會引徐鍇本下有見而手取之五字

臣見觀也從見監監亦聲盧啟切

覲也者廣雅同離騷皇覽揆余于初度兮王注覽觀也監亦聲者當為監聲

來內視也從見來聲洛代切

內視也者本書睇目陳謹也誦讀若反日相睇若韻篇內視目陳並當作覲

目顯也從見是聲杜兮切

顯也者廣韻顯現也

目有察省見也從見與聲方小切



目有察省見也音見集韻引作兒廣韻引

𥇑

𥇑𥇑闕觀也從見𠂔聲七四切

𥇑𥇑闕觀也者玉篇𥇑盜視兒也又房釐盜視案方言凡相竊視南楚謂之闕自江而北謂之𥇑𥇑即𥇑之或體廣韻視𥇑也一切經音義十二云字林𥇑𥇑觀也亦視也廣雅𥇑視也相候視也通俗文伏𥇑曰𥇑𥇑通作狙管了七臣七主篇從狙而好小察注云狙伺也史記留侯世家臣與客狙擊秦皇帝博浪沙中集解服虔曰狙伺侯也索隱應劭云狙伺也顏注漢書云狙謂密伺之

𥇑

拘𥇑未致密也從見虛聲七句切

𥇑

小兒也從見冥聲爾雅曰𥇑髮弗離其經切

爾雅曰𥇑髮弗離者釋詁文彼作弗離郭云謂草木之叢若翳薈也弗離卽彌離彌離者蒙龍目

𥇑

內視也從見甚聲丁含切

內視也者漢張  
壽碑觀虎視

覲

遇見也從見莠聲

古后切

遇見也者詩草蟲亦既覲止傳云覲遇抑莫子云觀公劉  
乃覲于京傳並云覲見也裳裳者華我覲之子車韋解我

覲爾箋並  
云覲見也

歸

注目視也從見歸聲

渠追切

注目視也者玉  
篇覽目望視也

覲

窺也從見古聲春秋傳曰公使覲之信

軟斷切

窺也者廣韻引作闕視也廣雅覲視也檀弓晉人之覲宋  
者返注云覲闕視也魏氏春秋太祖常夜微出覲察諸吏  
或作眡方言眡視也凡相竊視南楚謂之闕或謂之眡自  
江而北或謂之覲通作估學記呻其估畢注云估視也又  
通作沽檀弓我喪也私沽注云沽讀曰覲視也春  
秋傳曰公使覲之信者成十七年左傳文注云覲伺也

𥇑

司也從見微聲

無非切

司也者廣雅𥇑視也通作微晉語公使視之韋云視微視也漢書郭解傳使人微知賊處顏注微伺問之也

𥇒

暫見也從見炎聲春秋公羊傳曰覲然公子陽生

失冉

切

暫見也者一切經音義十六說文覲暫見也

六電關中名覲電馥謂電暫見者也釋名電殄也乍見則殄滅也本書睽暫視兒玉篇覲暫覲也廣雅覲見也蒼頡篇覲覲視兒春秋公羊傳曰覲然公子陽生者哀六年

傳文彼作闕

注云出頭貌

𥇓

暫見也從見賓聲

必刃切

暫見也者廣韻

覲覲暫見也

𥇔

覲覲也從見樊聲讀若幡

附哀切

觀觀也者類篇引  
作觀觀暫見也

𥇑

病人視從見氏聲讀若迷

莫兮切

𥇒

下視深也從見直聲讀若攸

以周切

下視深也者玉篇觀下目也

𥇓

私出頭視也從見彤聲讀若柳

升林切

𥇔

突前也從見日

莫紅匹漢二切

突前也者一切經音義九見云北反見沒猶抵觸也又云

見莫勒反國語見沒輕儇賈逵曰見沒猶輕觸也又十二

說文云見突前也猶輕觸直進也字從日從見今皆作冒

韻案本書蓋下云吏抵冒取民財則生漢書禮樂志民人

抵冒顏注抵忤也冒犯也趙充國傳抵冒渡湟水顏注抵  
冒犯突而前也冒音莫北反周禮太史若約刑亂則碎法  
注云謂抵冒盟誓者又云辨事者攷焉不信者誅之注云  
謂抵冒其職事又同約性云治者理其相抵冒上下之差  
說文冒二聲卷之三

差也洪範咎徵曰蒙恆風若正義引鄭注蒙見

𥇑

欽幸也從見豈聲

几利切

欽幸也者李善注周魏公九錫文引作幸也一切經音義二引同本書豈欲也欽忝也檀弓幸而至於且注云幸觀也又云吾欲暴庭注云庭者面鄉天觀天哀而雨之後漢書盧芳傳臣非敢有所貪覬注云覬望也後魏書程駿對顯祖曰臣雖才謝呂望而陛下尊過西伯覬天假餘年竭六韜之效通作駘廣雅駘企也

𥇑

欲也從見俞聲

羊朱切

欲也者李善注周魏公九錫文引同廣韻覬覬覬欲得也嚴經音義覬謂有所冀望也桓二年左傳是以民服事其上而無覬覬杜云下不冀望上位襄十五年傳能官人則民無覬心杜云無覬覬以求幸陳書蕭摩訶傳覬覬江左

𥇑

視不明也一曰直視從見春聲

升龙切



視誤也從見籀聲

弋笑切

視誤也者廣韻  
視誤不定也



寤也從見學省聲一曰發也

古岳切

寤也者有二義一曰知覺本書教覺悟也釋名覺告也昭  
後覺是也一曰睡覺本書寤寤而何云覺悟也孟子使先覺覺  
義三覺寤也謂眠後覺也詩王風尚寐無覺周禮六夢三  
日思夢四曰寤夢注云覺時所思念之而夢覺時道之而  
夢成十年左傳晉侯夢大厲又云公覺列子周穆王篇古  
之真人其覺自忘其寢不夢又云西極之南隅有國名古  
葬其民多眠五可一覺以夢中所為者實覺之所見者妄  
莊子齊物論且有覺而後知此大夢也史記高祖本紀  
後人至高祖覺注云覺謂寢寐而寤也東觀漢記上曰我  
昨夜夢乘赤龍上天覺悟心中動悸三國典畧高歡夢履  
微星而行覺而內書晉書張華夢見屋壞覺而惡之前燕  
錄慕容紹宗夢石虎鬪其臂覺遂痛惡之博物志又王夢覺  
召太公仙傳子夢鑿日月覺而不上天庭夢人九泉寤而不

及地下是也  
高帝紀有而勿言覺免顏注發覺者免其官

𠄎 目赤也從見𠄎省聲  
才的切

日赤也者孫觀察星衍曰玉篇覲見也  
延說文作目覲 𠄎省聲者𠄎字衍

𠄎 召也從見青聲  
疾正切

召也者釋言召覲也廣雅召覲也又云覲呼也通作請廣  
韻覲古奉朝請亦作此字呂氏春秋分職篇今召客者酒

謂高注  
召請也

𠄎 至也從見業聲  
七人切

至也者本書窺至  
也廣韻闕至也

𠄎 諸侯秋朝曰覲勞王事從見莖聲  
渠各切

諸侯秋朝曰覲者詩韓奕韓侯入覲以其介主人覲于王  
箋云諸侯秋見天子曰覲儀禮有覲禮鄭曰錄云秋見日



覲諸侯禮大行人秋覲以比邦國之功注引司馬法秋以禮  
 覲諸侯比同功馬融曰在西方者觀秋曲禮天子當依而  
 立諸侯北面而見天子曰覲傳二十八左傳出天子當依而  
 杜云凡三見王昭二十一年穀梁傳諸侯不享觀范云覲  
 見也鄭駁異義云朝通名也秋之言觀據時所用禮  
 用禮勞王事者勞上當有勅字觀勅替相近

諸侯三年大相聘曰覲覲視也從見兆聲他切

三年大聘注云比年小聘所謂歲相問也三年大聘所謂  
 股相聘也周禮典瑞琮瑋圭璋璧琮纁皆二采一就以覲聘  
 注云大夫衆來曰覲寡來曰聘大行人殷覲以除邦國之  
 屈注云殷覲謂一服朝之歲也昭五年左傳享覲有厚杜  
 云覲見也管子小匡篇美為皮幣以極聘覲於諸侯禮都  
 賦侈所覲之博大覲視也者釋詁文彼作覲釋文作覲  
 齊語以駢聘覲於諸侯韋云覲視也周禮大宗伯殷覲曰  
 視注云殷覲謂一服朝之歲以朝者少諸侯乃使卿以大  
 禮衆聘房一服朝在元年七年十一年考王記王人之事  
 琮圭璋八寸璧琮八寸以覲聘注云覲視也聘問也衆來  
 日覲特來日聘論語宗廟之事如會同鄭注諸侯時見日



會殷見曰同皇氏疏曰周禮六服各隨服而來是正朝有數也而時見曰會此無常期諸侯有不庭服者王將有征討之事則因朝覲王命為壇於國外合諸侯而發禁亦隨其方若東方不服則命與東方諸侯共征之此是時見曰會也又王十二年一巡狩若王有事故則六服諸侯並來京師朝王受法此是殷覲曰同也而鄭元注云殷覲曰同者周禮又有時聘曰問殷覲曰視並是諸侯遣臣來京師也王有事故諸侯不得自來而遣臣來聘王此亦無定時是時聘曰問也又元年六服惟侯服獨來朝京師人少故諸侯並遣臣來京師視王是殷覲曰視也鄭元云殷見曰同者廣覲見之言通也

覲

擇也從見毛聲讀若苗

莫袍切

擇也者玉篇引詩左右覲之通作毛今詩作覲傳云毛擇也釋言毛舉也孫炎曰皆擇某也

覲

蔽不相見也從見必聲

莫結切

蔽不相見也者玉篇覲覲也莊子徐無鬼譬之猶一覲也司馬彪注覲曹見兒

𥇑

司人也從見亡聲讀若駝

式支切

𥇒

目蔽垢也從見𠂔聲讀若兜

當侯切

目蔽垢也者一切經音義九引本書蔽兜眇也本書眇下云一曰菅兜兜𥇒當作𥇒顏注急就篇眇謂眇目之蔽垢也讀若兜者小字本作讀若兜

文四十五 重三

𥇓

竝視也從二見凡𥇓之屬皆從𥇓

弋笑切

竝視也者廣韻作𥇓視

𥇔

從視也從𥇓肩聲齊景公之勇臣有成𥇔者

皆開切

齊景公之勇臣有成𥇔者孟子作威𥇔

𥇕

見雨而止息從𥇓從雨讀若𥇕

虛器切

見雨而止息者本書需遇雨不進止頤也惕息也

文三

𠂔 張口气悟也象气從人上出之形凡欠之屬皆從欠

去劍切

本書𠂔欠也從大從申申展也 詩終風釋文崔云毛訓噓為𠂔今俗人云欠欠𠂔𠂔是也 士相見禮君子欠伸注云志倦則欠體倦則伸 素問二陽一陰發病主驚駭背痛善噓善欠 人十一難經假令得腎脈其外證面黑善惡欠張世賢注云欠氣相引也

張口气悟也者御覽引作張口出氣也悟六書正譌作悟玉篇𠂔下云欠𠂔張口也通俗文張口通氣謂之欠𠂔

𠂔 欠兒從欠金聲 去音切

欠兒者山海經剛山多神其音如欽通作欽釋名欠𠂔也開張其口𠂔聲𠂔𠂔也

𠂔

欠兒從欠絲聲

洛官切

𠂔

喜也從欠吉聲

許吉切

喜也皆廣雅同  
廣韻款笑也

𠂔

出氣也從欠從口

昌垂切

本書口部  
有吹字

出氣也者水車日記今人以大舒氣作聲為打吹氣

𠂔

吹也一曰笑意從欠句聲

況于切

吹也者玉篇欬吹欬一曰笑意考李善注琴賦引作笑兒廣蒼欬欬樂也

𠂔

溫吹也從欠庫聲

虎烏切

溫吹也者廣韻欬溫吹氣息也玉篇欬出氣息也出曰欬入曰哈通作𠂔尙書大傳陽盛則吁茶萬物而養之外也

兌文彙字彙登

卷二十六

三

連筠籀叢書

靈石楊氏采

陰盛則呼吸萬物而藏之內也故曰呼吸也者陰陽之交接萬物之終始注云吁茶氣出而溫呼吸氣入則寒

或

吹氣也從欠或聲

集韻作歔

安

安氣也從欠與聲

安氣也者本書余語之舒也廣韻歎歎也玉篇歎語末詞通作與論語歸與歸與皇氏疏與不定之詞也

翕

翕氣也從欠齊聲

翕氣也者翕當為歛

歟

吹氣也從欠賁聲

吹氣也者李善注東都賦引同玉篇歎歎氣也口含物歎散也顏氏家訓見馬嘶歎陸梁莫不震懼

息

息也一曰氣越泄從欠易聲

許謁切

斷

喜樂也從欠瞿聲

切呼官

本書歛  
次與歛

𠂔

笑喜也從欠斤聲

切許斤

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 84

車馬客棧

笑或作忻東觀漢記上與鄧晨說故舊平生為忻樂

𦣻

笑不壞顏曰次從欠引省聲

式忍切

笑不壞顏曰次者一切經音義四𦣻字書作𦣻或作𦣻論語夫子哂之馬融曰哂笑也三蒼𦣻小笑檀弓未嘗見𦣻鄭注言笑之微又注曲禮笑不至矧云齒本曰矧大笑則見穀案鄭破矧為斷非本書義鄧子心悅者顏不能不笑皆書載記千秋一言致相何奴引之孫綽游天台山賦哂夏蟲之疑冰通鑑唐太宗與羣臣論止盜或請重法上哂之注云笑不壞顏曰哂或作矧曲禮笑不至矧引省聲者疑矧省聲

𦣻

意有所欲也從欠𦣻省

苦管切

意有所欲也者荀子注引同廣雅款款愛也荀子修身篇愚款端慤則合之以禮樂通之以思索注云款誠款也文選謝靈運詩語往實款然李善云款然謂如其所欲江淹雜體詩款睇在何辰謝惠連詠牛女詩款顏難久棕李善並引字林款誠也意有所欲漢書司馬遷傳誠欲効其款款之愚宋書禮志塞神祇之款望𦣻省者徐錯本作𦣻

有聲

𦣻

歎或從柰

𦣻

𦣻也從欠氣聲一曰口不便言

居氣切

𦣻也者本書觀歎𦣻也小爾雅非分而得曰幸通作冀  
三十年左傳鄭有備矣不可冀也  
本書吃言塞難也玉篇  
欲口不便也亦作吃

𦣻

貪欲也從欠谷聲

余胃切

貪欲也者曲禮欲不可從正義云心所  
愛為欲六韜義勝欲則昌欲勝義則亡

𦣻

誡也從欠哥聲

占俄切

本書哥下云古  
文以為誨字

誡也者藝文類聚引作誡詩曰歌月令章句樂聲曰歌書  
舜典詩言志歌誡言聲依永律和聲玉篇歌誡聲也釋名

連為多聲世



人聲曰歌歌柯也所歌之言是其質也以聲吟詠有上下如草木之有柯葉也故寬翼言歌聲如柯也急就篇五音總會歌謳聲顏注長言謂之歌詩園有桃我歌且謠傳云曲合樂曰歌劉蒼世祖登歌議歌所以詠德

可

歌或從言

𠂔

口气引也從欠𠂔聲讀若車輪

市錄切

口气引也者廣韻引字林同鄭有𠂔𠂔字于然然當為𠂔

𠂔

心有所惡若吐也從欠𠂔聲一曰口相就

哀都切

心有所惡若吐也者大荒北經共工臣相絲九首蛇身其所歔所尼即為源澤注云歔嘔猶噴吒太元龜次七脂牛正肪不濯釜而烹則歐歔之疾至注云歐歔吐逆聲一曰口相就者集韻引作一曰口𠂔也

𠂔

歔歔也從欠𠂔聲

才六切

歔歔也者聲類作嘔嘔廣韻歔取氣兒又歔歔聲又嘔歔嘔

𪔐

俗𪔐從口從就

從就首廣韻𪔐  
𪔐𪔐口相就也

𪔐

怒然也從欠未聲孟子曰曾西秋然

切十六

怒然也者玉篇秋𪔐悲兒 孟子曰曾西秋然  
者彼作楚然注云楚然猶楚踏也非本書義

𪔐

含笑也從欠今聲

邱駁切

含笑也者本  
書如善笑兒

𪔐

人相笑相𪔐𪔐從欠虎聲

以支切

人相笑相𪔐𪔐者徐鍇韻譜作𪔐𪔐玉篇作𪔐𪔐廣韻𪔐  
𪔐𪔐手相𪔐人後漢書王霸傳市人皆大笑舉手𪔐𪔐之

注云說文曰𪔐𪔐手相笑也𪔐音弋支反𪔐音踰或音由  
此云𪔐𪔐語輕重不同𪔐案本書人當為𪔐𪔐當作𪔐𪔐續

晉陽秋羅友托恒溫府乞祿許而不用同府人有得郡者  
溫為作別友亦被命至尤晚溫問之荅曰民守且出門於

竟之降

卷二十七

七

連筠錄叢書

中路遇一鬼大見邪欲曰見汝送人作都  
不見人送汝作郡民始怖終慙不覺淹緩

𦣻

𦣻𦣻氣出兒從欠高高亦𦣻

許嬌切

𦣻𦣻氣出兒者李善注寶鼎詩引作氣上出兒張揖字詁  
同集韻𦣻𦣻氣上悉漢書揚雄傳淳滃雲而散𦣻𦣻𦣻𦣻  
曲陽𦣻𦣻亦朱其堂左思吳都賦  
𦣻𦣻逢淳 高亦𦣻者當為高𦣻

𦣻

有所吹起從欠炎𦣻讀若忽

許物切

有所吹起者李善注緒白馬賦引同玉篇𦣻𦣻暴起也一切  
經音義六引蒼頡篇𦣻起也思元賦𦣻𦣻神化而蟬蛻今  
舊注𦣻𦣻輕舉貌元包經勝任任𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻  
𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻  
指畫變𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻  
音義二十五引漢書音義𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻  
義𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻  
背見薛綜注𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻𦣻

𦣻

吹吹戲笑兒從欠里𦣻

許其切

歎歎戲笑兒者或作歎文賦或受歎於拙目李善云或於拙目受歎笑也又作嘖後漢書樊宏傳時人嘖之

歎

歎歎氣出兒從欠各聲

余昭切

歎

吟也從欠肅聲詩曰其歎也

詩曰其歎也

本音嘖

吟也者徐鍇本作吹錯曰歎者吹氣出聲也成公綏嘖賦動唇有曲發口成音觸類感物因歌隨吟詩曰其歎也

吟

吟也從欠鵠省聲

他案切

吟也者廣雅同樂記一唱而三歎又云長言之不足故嗟歎之注云嗟歎和續之也文選曹子建與吳季重書鳳歎虎視李善云歎猶歌也趙宦光曰後代歌詞有歎即吟也

吟

循文歎不省

𪔐 卒喜也從欠從喜許其切

本書喜古

文作款

卒喜也者或作嘻易家人卦婦子嘻嘻鄭云驕佚喜笑之意漢書灌夫傳夫怒因嘻笑曰顏注嘻強笑也音許其反

𪔐 𪔐也從欠矣聲凶戒切又

𪔐也者當為𪔐玉篇歛𪔐也一日悲聲案本書𪔐苛也法言始皇方微六國而翦牙歛注云牙歛切齒而怒也通作𪔐史記項羽紀亞父受玉斗置之地拔劍撞而破之曰𪔐豎子不足與謀索隱𪔐𪔐似發聲之詞

𪔐 歐也從欠此聲前智切

歐也者玉篇歛𪔐也𪔐下引老子終日號而不𪔐𪔐氣逆也集韻引蒼頡篇𪔐𪔐也

𪔐 吐也從欠區聲鳥后切

吐也者一切經音義十歐欲吐也江南或謂歐為喀新序節士篇袁族目曰嘻汝乃盜也何為而食我兩手豫地而

歐之不出喀喀然馥秦喀或作𪔐晉語五伏強𪔐血漢書  
丙吉傳醉歐丞相車茵中屠嘉傳因歐血而外山海經薄  
魚其音如歐注云如人嘔吐聲也或作嘔釋名嘔偃也  
將有所吐脊曲偃也顏注急就篇嘔逆吐而不下食也

𪔐

欬也從欠虛聲一曰出氣也

切

欬也者一切經音義五字林欬𪔐涕泣兒也蒼頡篇泣餘  
聲也亦悲也離騷曾欬欬余鬱邑兮東方朔七諫泣欬欬  
而雷吟一曰出氣也者通作噓且子齊物論仰天而噓  
釋文云吐氣為噓漢書王褒傳啍噓呼吸如喬松注云啍  
噓皆開口  
出氣也

𪔐

𪔐也從欠稀省聲

切

𪔐也者玉篇𪔐悲也泣餘聲也漢書景十三王傳臣聞悲  
者不可為樂𪔐顏注𪔐𪔐也 稀省聲者徐鍇本作希  
聲

𪔐

盛氣怒也從欠蜀聲

切

𩚑

言意也從欠從直直亦聲讀若西

切

𩚒

欲飲也從欠渴聲

苦葛切

欲飲也者通作渴哀十一年左傳陳轅頗出奔鄭道渴孟子渴者易為飲交州記浮石體虛而輕煮飲止渴杜夷幽求召渴者以臨河不待鞭策而自至

𩚓

所訶也從欠噉省聲讀若叫呼之叫

古弔切

噉省聲者當作𩚓省聲噉從此𩚓

𩚔

悲意從欠齋聲

所力切

悲意者一切經音義九卑若飲恐懼也通俗文小怖曰𩚔公羊傳𩚔然而駭是也

𩚕

盡酒也從欠𩚕聲

子肖切

盡酒也者本書𩚕下聲義同𩚕者難疑作𩚕本書𩚕盡也𩚕米易𩚕

𩚑

監持意口閉也從欠緘聲

古咸切

監持意口閉也者小字本李燾本廣韻玉篇並作堅字通作緘家語孔子觀於周廟有金人三緘其事

𩚒

指而笑也從欠辰聲讀若蜃

時忍切

指而笑也者或作𩚒吳都賦東吳王孫驤然而笑吟劉注云𩚒大笑兒壯周云齊桓公𩚒然而笑

𩚓

昆干不可知也從欠鰥聲

古渾切

昆干不可知也者鰥謂猶漫漶廣韻漫漶不可知也又作𩚓云不可知也通作鰥楚詞天問舜問托家父何以鰥堯典所謂父頑楚詞所謂鮌悼直以凶身是也

𩚔

𩚔也從欠雷聲春秋傳曰𩚔而忘

山洽切

𩚔也者本書𩚔𩚔酒也一切經音義人嘍啤簪及𩚔類皆作𩚔𩚔也離騷云是鴈皆𩚔梁藻兮上林賦云𩚔𩚔也𩚔皆是也字書𩚔𩚔也書亦作𩚔所治反謂以口微吸之也亦𩚔血也玉篇𩚔𩚔血也廣雅𩚔𩚔也有司徹二手執



挑上初以范注注云挑謂之敵讀如或春或抗之抗字或  
 從挑者秦人語也晉語宋之盟楚人固請先歃云歃飲  
 血也淮南齊俗訓胡人彈骨越人鬲臂中國歃血所由各  
 異其於信一也史記平原君傳毛遂謂楚王之左右曰取  
 雞狗馬之血來毛遂奉銅盤而跪進之楚王曰王當歃血  
 而定從晉吳隱之飲貪泉詩古人云此水一歃懷千金或  
 作哺後漢書馮衍傳哺血昆陽春秋傳曰歃而  
 忘者隱七年左傳文而彼作如服虔曰如而也

𠵽

吮也從欠束聲

所角切

吮也者李善注風賦引同三蒼亦同本書吮嗽也廣韻嗽  
 日嗽也通俗文含吸曰嗽釋名嗽促也用口急促也或作  
 嗽漢書鄧通傳文帝嘗病癰通常為上嗽吮之  
 汝南先賢傳蔡順母生瘡出膿順以口嗽之

𠵽

食不滿也從欠甚聲讀若坎

苦感切

食不滿也者本書顧飫不飽面黃起行也廣韻歃食未飽  
 也玉篇歃下云歃歃不滿兒廣雅歃食也方言晉魏河內  
 之北謂歃曰殘楚謂之貧南楚江湖之間謂之歃注云言  
 歃難厭也匡謬正俗問曰今人謂物少不充為欠義何

所取咎曰許氏說文解字云歎會不滿也李登聲類居枕字林並音口感反今為欠者本為歎耳

欲得也從欠

魚聲讀若貧

他含切

詩坎坎伐輪兮

漢和經作欲欲

欲得也者字林字書並同玉篇貪浬曰欲廣雅欲欲也孟子如其自視欲然趙注欲然不以足

歎也從欠

合聲

呼合切

歎也者李善注東都賦引同一切經音義十二引作嗟也本書嗟嘗也廣韻欲嘗也

歎會不滿從欠

兼聲

苦簞切

歎會不滿者禮記無咎會謂歎薄之集韻管歎會也玉篇管歎會兒管子形勢篇管會者不肥體廣雅歎少也又云貪也通作嘆杜子春說周禮酒正引弟子職周旋而貳唯嘆之視賈疏云謂弟子待師飲酒之時周旋而貳者欲通作慙漢書文帝詔人民未有慙志史記作嘆益酒尊之時嘆謂不滿唯酒尊不滿者視之更益通作慙漢書文帝詔人民未有慙志史記作嘆

𠂔

咽中息不利也從欠骨聲

鳥入切

咽中息不利也者一切經音義十一引息上有氣字玉篇氣息誤作氣甚通俗文大明曰𠂔

𠂔

𠂔也從欠因聲

乙冀切

𠂔也者集韻𠂔氣逆老子終日號而不𠂔

𠂔

𠂔氣也從欠亥聲

苦蓋切

廣韻𠂔𠂔瘕 玉篇𠂔上𠂔也 釋名𠂔刻也氣奔至出入

不平調苦刻物也 顏注急就篇𠂔𠂔也 蒼頡篇齊郡謂

𠂔日𠂔 昭二十四年左傳余左顧而𠂔 曲禮車上不廣

效月令季夏行春令國多風𠂔 周書時訓解立秋又五

日白露降白露不降民多𠂔病 易說立秋氣未當至而至

則少陽脈盛人病𠂔 春秋繁露人君好戰貪城邑則民病

𠂔嗽後趙錄楊津入侍左右忽𠂔逆失聲遂吐數

升藏之衣袖 史記仲尼弟子列傳樂𠂔字子𠂔

𠂔氣也者一切經音義二引同通俗文利喉曰𠂔𠂔字林

𠂔瘕也案一切經音義十引本書瘕𠂔氣也周禮疾醫冬

𦣻

且唾聲一曰小笑從欠𦣻聲

許慎切

𦣻

縮鼻也從欠翁聲丹陽有歛縣

許慎切

縮鼻也者一切經音義五歛說文內息也外也謂引氣息人也或作噏老子將欲噏之必固索之又通作翁笑書揚雄傳翁肩顏注翁噏也吳王濞傳翁肩索星鄒陽傳翁肩低首顏注竝云翁翁也謂斂之也劉義慶幽明錄松上有雙白鳥下有太蛇張口翁之鳥不能去

𦣻

蹴鼻也從欠咎聲讀若爾雅曰麀豨短脰

於糾切

職鼻也者木書學下云言鼻人暨鼻若辛之憂廣韻欲歐吐廣雅欲吐也或作略哀二年左傳吾伏毀嘔血杜云嘔吐也釋文嘔本又作略吐也讀若爾雅曰磨綴短脰者釋獸文殺彼作廢

或作繳

愁兒從欠幼聲

於切

本音吻

咄歎無慙一日無腸意從欠出聲讀若中

五律

吹

詮詞也從欠從日亦聲詩曰吹求厥寧

余律

詮詞也者廣雅吹詞也漢書敘傳吹中龢為庶幾兮顏注吹古聿字韓詩歲聿其莫薛君章句聿詞也馥案書聿求元聖詩聿修厥德皆即吹字從日者詩載見曰求厥章七月日為改歲漢書引作聿抑曰喪厥國釋文云韓詩作聿喪縣子曰有先後子曰有奔奏王注楚辭竝引作聿角弓見睨日消釋文云韓詩作聿消劉向同馥案漢書楚元王傳引作聿消荀子非相篇引作晏然聿消大明日嬪于京郭注爾雅引作聿戴君震毛鄭詩考正云蟋蟀首章傳

聿遂震案文選注引韓詩薛君章句云聿詞也春秋傳引  
詩聿懷多福杜注云聿惟也皆以爲詞助詩中聿曰適三  
字互用爾雅適自也述也禮記引詩聿追來考今詩作適  
七月篇曰爲改歲釋文云漢書作聿角弓篇見睨曰消釋  
文云韓詩作聿劉向同傳於歲聿其莫釋之爲遂於聿修  
厥德釋之爲述遂於聿來聿字釋之爲自於我征聿至聿  
懷多福適駿有聲適求厥寧逾觀厥成適追來孝並釋之  
爲述今考之皆承明上文之詞耳非空爲詞助亦非發語  
詞而爲遂爲述爲自緣詞生訓皆非也說文有吹字注云  
詮詞也從欠從日亦聲引詩吹求厥寧然則吹蓋本文  
省作曰同聲假借用聿與通詮詞者承上文所發端詮而  
釋之也詩曰吹求厥寧者大雅文王有聲文彼作遂  
曰亦聲者  
當爲曰營

三

不前不精也從欠二聲

七切四

不前不精也者本書越下云越起行不進也莊三年穀梁  
傳欠止也趙宦光曰春秋公次於滑左傳凡師一宿爲舍  
再宿爲信過信爲次故曰不  
前韻案精擇也不擇者次之

說文解字義證

卷二十六

五

連竹筴叢書

𦵏

古文次

𦵏

饑虛也從欠康聲

苦岡切

饑虛也者廣雅四穀不升曰獻通作康方言康空也注云康或作獻虛字也又通作漣釋詁漣虛也釋文字又作獻同又通作康義二十四年穀梁傳四穀不升謂之康注云康虛也釋文引爾雅音義康木或作荒荒亦邱虛之空無餽案易包荒鄭請為康

𦵏

詐欺也從欠其聲

去其切

詐欺也者木書謀欺也論語吾誰欺大學毋自欺也賈誼書道術篇仁義修立謂之任反任為欺史記循吏傳子產治鄭民不能欺子賤治單父民不忍欺西門豹治鄴民不敢欺

𦵏

神食氣也從欠音聲

許今切

神食氣也者李善注七命引同字林亦同徐鉉曰禮周人上臭灌用鬱鬯又曰有饌其香神靈先享其氣也詩生民

飲攸介攸止傳云飲饗又云其香始升上帝居飲箋云馨香上行上帝則安而飲饗之楚茨神嗜飲食箋云神乃飲嗜君之飲食少牢饋食禮以某妃配某氏尚饗注云饗飲也少儀洗盥執食飲者勿氣注云示不敢飲與也僖十年左傳神不飲非類注云飲饗也僖三十一年傳鬼神非其族類不飲其祀注云飲猶饗也襄九年傳使其鬼神不獲飲其禮祀襄二十七年傳能飲神人注云飲享也定五年傳外者若有知也可以飲舊祀論衡祀義篇飲者內氣也薄葬篇問外獨葬耶蔡邕問藏穀物乏置故藏食物以飲稿魂士虞禮魯三注云魯者噫飲也會子問祝魯三告曰注云魯噫飲警神也魯謂飲從久從音當有警義

文六十五

重五

獻

後漢書王肅傳注引見獻下廣訓獻獻獻以手相弄

遺文一



飲

歡也從欠會聲凡飲之屬皆從飲

於錦切

靈和楊氏果

飲也者飲或作飲玉篇飲咽水也釋名飲奄也以口奄而引咽之也論語飯疏食飲水周禮膳夫飲川六清又酒正辨四飲之物一曰清二曰醫三曰漿四曰醕

古文飲從今水

古文飲從今水

古文飲從今食

古文飲從今食

飲也從飲省聲

飲也從飲省聲

昌說切

本書厭飲也語國之孺子之遊者無不餽也無不飲也燕策酒酣樂進

孟子飲粥面深墨

飲也者李善注七發引同廣韻飲大飲江表傳典韋每賜食大飯長飲左右相屬數人益乃供

飲或從口從支

飲或從口從支

文二 重三

𠂔

慕欲口液也從欠從水凡次之屬皆從次

敘連切

慕欲口液也者一切經音義二涎諸書作次字林慕欲口液三蒼作涎小兒唾也又十四云江賦漬浪飛漾時有木作涎說文作次慕欲口液也賈誼新書垂澣相告東哲餅賦行人失輿於下風郭璞注爾雅云噀沫也方言緊格謂之樞注云卽小兒次衣也樂記咏嘆之淫液之正義云其腎淫液是貪美之貌靈樞經黃帝曰人之涎下者何氣使然岐伯曰飲食者皆入于胃之中有熱則蟲動蟲動則胃緩胃緩則廉泉開故涎下魏文帝詔蒲萄醢以爲酒道之固已流涎咽唾況視色之

𠂔

次或從侃

𠂔

輔文次

𠂔

貪欲也從次從羨省羨呼之羨文王所拘羨里

似而切

貪欲也者一切經音義十二引作願欲也又十一引字林  
慕欲曰羨廣雅羨欲也詩皇矣無然歆羨曹植七啟羨此  
永生孫綽賦亦何羨乎周城從羨省羨呼之羨者本書  
羨相誅呼也文王所拘羨里者本書羊部羨下云文王  
所拘羨里在湯陰書序殷始咎周鄭注咎惡也紂問文王  
斷虞芮之訟後又三伐皆勝而始畏而惡之拘于羨里竹  
書帝辛二十三年因西伯於羨里尸于文王幽於羨里琴  
操崇侯虎與文王列爲諸侯德不及文王常嫉妒之乃請  
文王於紂曰西伯昌聖人也長子發中子旦皆聖人也三  
聖合謀君其慮之乃囚文王於羨里淮南道應訓屈商乃  
拘文王於羨里高云屈商紂臣羨里在河內湯陰史記殷  
本紀紂囚西伯羨里正義羨里城在相州湯陰縣北九里  
紂囚西伯城也周本紀帝紂乃囚西伯於羨里注云河內  
湯陰有羨里城西伯所拘處賈誼書紂作梏數千睨諸侯  
之不諂己者杖而梏之文王在梏於羨里七年而後得免  
易林夏臺羨里文王所隄漢書地理志河內湯陰有羨里  
城西伯所拘處續漢書郡國志河內郡湯陰縣有防城卽  
云韋昭曰羨音西文王所拘處隋圖經湯陰縣有防城卽  
紂囚文王於羨里築此城以防之後因曰防城通典相州  
湯陰古羨里城紂拘周文王之所漢蕩陰縣或通作曷尚

書大傳作牖趙策紂醢鬼侯脯鄂侯文王問之喟然而歎  
故拘之於牖里之庫百日而欲令之舛班彪賦嗟西伯於  
牖城後漢書延篤傳文王牖里閭散懷金魏書地形志鄴  
縣有牖里城元和志湯陰紅牖里一名美城在縣北九里  
紂拘西伯之所也封演間見記相州湯陰縣北有美里城  
周回可三百餘步其中平實高於城外地丈餘此開一門  
相傳文王演易之所曹子建詩紂文云崇侯何功乃用爲  
輔西伯何辜囚之囹圄囹圄既成負土既盈與立炮烙賊  
害忠貞觀此意是文王見囚之地紂  
使負土實此城也未詳子建所據

𡩺

獸也從次厂聲讀若移切以支

𡩺

私利物也從次次欲皿者

徒到切

詩巧言君子信盜傳云盜逃也正義云風俗  
通亦云盜逃也言其晝伏夜奔逃避人也

私利物也者私當爲公倍二十四年左傳竊人之財猶謂  
之盜文十八年傳竊賄爲盜定八年穀梁傳非其所取而  
取之盜荀子修身篇竊貨曰盜次欲皿者  
者五經文字盜從皿利於物欲器皿者盜之

文四 重二

𠂔

飲食氣並不得息曰𠂔從反欠凡𠂔之屬皆從𠂔  
切

飲食氣並不得息曰𠂔者玉篇廣韻並作𠂔氣𠂔通作𠂔  
釋言𠂔𠂔也荀子禮論篇倖詭𠂔𠂔而無時至焉詩  
如彼邇風亦孔之𠂔箋云使人𠂔然如鄉疾風不能息

𠂔

古文𠂔

𠂔

𠂔惡驚詞也從𠂔𠂔聲讀若楚人名多夥乎果切

五行傳雞𠂔牛  
𠂔並借此𠂔字

讀若楚人名多夥者史記  
陳涉世家楚人謂多為夥

𠂔

事有不善言𠂔也爾雅𠂔薄也從𠂔京聲力議切

事有不善言婦也者廣韻引字統事有不善曰就薄集韻  
誰就也韓詩室人交徧誰我馥案就當為涼俗書作就與  
就形近致誤字或作亮釋詁亮導也又云亮右也又云左  
右亮也書無逸嚴恭寅畏天命自度漢石經度作亮蓋言  
太戊能自亮也南齊書顧歡傳昔有鴻飛天首積遠難亮  
魏志高柔傳昔仲尼亮司馬牛之憂普庾亮字元規蓋取  
規箴之義通作諒廣韻諫數諫也諒也論語友諒通鑑宋  
武帝策秀孝顧法對策上覽之惡其諒也投策於地又通  
作涼詩大明涼彼武王傳云涼佐也釋文云韓詩作亮天  
相也爾雅涼薄也者今爾雅無此文汗簡引古爾雅涼  
作涼本書涼薄也廣雅涼薄也曹憲云涼良音世人作涼  
傅之涼水旁著京失之矣爾雅步各反世人作樺傅之傅  
下著薄亦失之矣小爾雅廣言涼薄也詩桑柔職涼善背  
傳云涼薄也莊三十二年左傳號多涼德也詩桑柔職涼善背  
案僖十九年傳義士猶曰薄德即涼德也閔二年傳是涼  
冬穀林氏云衣之龍雜則有涼薄之意昭四年傳君子作  
法於涼其敝猶貧注云涼薄也御覽引釋名河西土田薄故曰涼

文三 重一